

江蘇府縣志輯

中國地方志集成

武陽志餘

# 中國地方志集成

江蘇府縣志輯 ③⑧

光緒武陽志餘

江蘇古籍出版社 ● 上海書店 ● 巴蜀書社

責任編輯 王華寶  
封面設計 范一辛

中國地方志集成

江蘇府縣志輯③⑧

出版 江蘇古籍出版社

(南京中央路一六五號)

印刷 上海市印刷七廠

發行 新華書店

上海發行所

定價 一九二元

1991年6月第1版 1991年6月第1次印刷

ISBN 7-80519-252-9 / K·132



光緒武陽志餘



(清)

陸 莊  
鼎 毓  
翰 鉉

纂修

1. 1. 1. 1.

本書十二卷首一卷，附《團練紀實》  
二卷，據清光緒十四年（一八八八）活  
字本影印。

7-10

武陽志餘序

武陽志餘一編莊陸二君補  
新志而作也網羅舊聞採擇  
近事徵文攷獻斐然成章其  
於地形水利政教興革一紀  
與夫賢人君子孝子悌弟士

序一

女貞義之行皆能原一奉  
區分緣引信而有徵不特是  
補新志之略且以發明舊志  
未竟之旨雖名曰志餘實有  
以攬正志之全焉夫天下事  
亦惟能得其實為足為耳

世固有墨守陳編竊取餘緒  
大言欺世做著作以為名者  
以視二君之拾遺訂墜有而  
弗居其器識之優絀為何  
如哉適排印武陽台志舊  
本因以是編附諸卷末序

序二

而傳之後之視者其心可得  
其用心矣  
光緒十三年歲次丁亥夏四  
月既望知常州府事長白鄂  
卓氏桐澤序

武陽志餘序

志餘一書瀾於排印武陽舊志時序之詳矣茲復曷序乎爾雖然瀾固有不能已於言者在也武陽為常郡首縣南通北達地值其衝咸豐庚申被兵最酷迄於今克復二十餘年休養生息漸漬已久而元氣未能大復漸且日即浮靡者無他文獻失其傳斯民少所取法也莊學博偕陸明經怒焉憂之深慨夫光緒新志之簡略或

序一

不足備斯民取法之資故是編於庚申之難誌之特詳他如學校田賦山川文物亦條舉縷晰搜採無遺原其意無非欲斯民鑒於滄桑變革而兢兢焉取則乎獻舊典籍務實黜浮一返夫秀而多文之俗則是書之成匪直足與新志並行抑所繫於兩邑之民風者亦豈淺歟哉

光緒丁亥立夏知武進縣事嘉興金吳瀾謹序



志餘序

嘗攷周禮有史官掌邦國四方之志所以網羅掌故表彰名節維持風化闡叢幽潛所繫綦重若不詳慎攷求則記載難免為闕何以信今而傳後惟賴諸家糾謬補遺之作以

序一

脩採擇焉準 忝宰苦縣上年秋仲下車過邑紳莊君俊甫廣文陸君彥和明經均擅淹雅之才留心經世之學出合撰志館一書示予閱數過見其胸有成竹體例咸宜於新舊志之闕者補之謬甚訂之斟

酌精當秩然有條良由廣採遺  
聞情稽故籍所致迴非任意續增  
空言聚訟此可以考至於文采之  
佳猶至修事固足資重脩之採  
納志以助送政之取裁厥功豈不偉  
哉況自兵燹之時時地變遷文獻湮

序二

替如不及今搜輯益將散佚雜徵  
蓋是書之亟於告成具見兩君之用  
心深且遠也今來索序於予爰題  
數語於簡端以誌欣幸云昔

光緒十三年歲次丁亥三月

知陽湖縣事蛟川金士準序

國朝自乾嘉以來府廳州縣志為海內達人所稱誦者如洪  
穉存先生涇縣志孫淵如先生三水志陸祁生先生鄭城志  
董晉卿先生懷遠志董方立先生長安志李申書先生鳳臺  
志皆雅贖有法皆武進陽湖人也紹元 嘗怪諸先生著述擅

一時而獨於做梓之鄉未能與集舊聞蔚為絕作非憾事歟  
乾隆間餘姚盧抱經先生主講吾邑龍城書院嘗修府志矣  
擬成爲眾口所排不授刻所刻八邑藝文志即彙中文微一  
類其體例謹嚴固足法也中書先生修道光志凡例甫創還  
歸道山今武陽合志成於眾手而先生原定目錄紹元 嘗於  
先君子文集中見之固與鳳臺縣志同一精密者也夫二志

志餘 序 一

之作或得其人而不及成或成而不諧俗書以不傳豈非天  
事哉光緒五年修新志操翰者莫不攻合志之失及成讀新  
志者又皆謳歌舊志迄今八年俊甫莊先生從輿論以次印  
行陳氏舊府志李氏合志若干卷復以其暇與陸君彥和輯  
志餘十二卷以補新志所闕昔西河毛氏撰蕭山縣志刊誤  
僅八十條 四庫提要稱之與明康對山武功志韓五泉朝  
邑志皆以精簡著錄 文淵閣是書雖不爲糾謬而作而網  
羅散佚其慎其難當亦後來修邑者所不能廢也

光緒歲次丁亥仲秋 武進薛紹元嘉生氏謹

志餘總目

序 凡例 職名

卷首

宸翰

卷一 山川 古蹟 水利

卷二 城垣 驛鋪 衙署 橋閘

卷三 學校 書院 善堂公所

卷四 祠廟上 祠廟下 塋墓

卷五 減免 祥異 營制 兵事上 兵事下

卷六 名宦 職官 碑示

志餘

卷七 經籍上 經籍中 經籍下

卷八 甲榜 鄉科 貢生 廢襲

卷九 史傳上 史傳下

卷十 儒林 文學 宦績 忠節 孝友 行誼 隱逸 藝術 寓賢 方外

卷十一 賢孝 貞孝 節孝 節烈 貞烈 才媛

卷十二 據遺

跋 書後

志餘凡例二十則

一是書專補新志之闕略前志未備固亦采輯一二為類三十有二而以

宸翰冠之其沿革風俗物產賦役已詳新舊志者率不著錄

新志成於光緒五年迄於今應增者續之非云糾謬聊

以補遺兼備後日修志之采不列總目避正志體也至

細羅故籍搜探遺聞仍多罅漏則以同志僅一二人局

於聞見所冀閱者諒此苦心

一新舊志首紀巡幸凡歷次

志餘

凡例

輿躋經行所詠及

龍賜郡紳之詩尙有未裨全錄者茲恭載簡端以識榮幸

一二邑山水具詳前志無煥綴增方今政要尤重海防次

及江防吾郡襟江帶湖港瀆紛錯胥關要隘舊志諸水

由源溯委水道甚明茲則詳列諸口首大江次太湖又

次瀟湖並載其附近港汊鎮汛里數庶瞭如指掌附以

史事留心地利者有可考證焉

一舊志古蹟間有未載在所新志譌闕較多茲博考羣書

分鄉載列舊志所載詩文悉皆錄入附以新采蔚為鉅

一水利所以資農田商樞舊志詳矣茲自同治間起先城後鄉詳其原委而以昔人水利諸說附之以資參印

一城垣倉廩橋梁闢墾新志之略者補之新者增之俾後不致漫無可考

一學校書院宜詳載興復庠序之士尤重植品恭錄

欽定邸神於學校以資策勵附錄義塾鄉學於書院以期振興

一善堂公所有關地方善事期於久遠錄其經始之人示勸善也新志概從簡略茲並詳紀俾後可循守而毋廢

一舊志祠廟所收頗廣新志分為廟祀里祀雜類體例雖

志餘

凡例

二

嚴不免叢碎茲仍舊志分鄉併列詳其修建年月與人附以碑記俾後有可稽

一新志 國朝榮墓除位列正二品者虛削之茲從舊志

例增入已見舊志者不載

一同治初減免常鎮漕糧有江蘇減賦全書茲摘其有關

吾郡者錄之其歷年豁免災歉民欠分年詳載以紀

殊恩

一祥異有關治化兵制時有變更異者紀之更者補之亦

政治之要也

一吾邑素為忠義之邦宋元之末以及 國朝咸豐庚申

罹禍尤慘宋元則采諸故籍以補舊志之遺庚申則以私家記載之可徵信者附之大事不厭其詳也新志削尹玉傳茲輯入兵事以存忠義庚申團練紀實卷帙較多另列附後

一新志職官不載府職茲自道光二十二年起悉為補纂

以續舊志略仿其例附載事實以示不忘善政李志名宦陳炳傳僅數字新志併其名亦去之茲照宋史忠義

傳錄入而以善政諸碑示附後

一前志經籍僅載書目兵後大半缺佚茲首錄

欽定四庫全書提要次及舊志已收或漏未著錄與近今裏

志餘

凡例

三

然成集者撮舉序要間附考證庶未見其書猶得知其得失愈於僅注存佚者已至新舊志所未收與光緒五年以後成書者類多未見故不以四部類編錄別列經籍下俾後之君子得據以攷證第借書匪易里澗猶多

此特囑矢云爾

一舊志選舉詳註所終之官其人存其官先後或與舊志之宜更者摘載之道光二十二年以後全錄之仍用舊

志例註某人子孫某科進士以補新志之缺

一前志人物類多正史有傳而志傳反止舉其大要於體

非宜效悉照正史錄入其有私家撰記可補正史之遺

前附載之前志漏未立傳而其人既有可傳者與前志有傳而遺事有不可沒者補之末增以光緒五年以後應行立傳徵諸傳記采諸輿論不參私見惟科目仕途固有所事實不詳者采訪未周是在後之君子

一列女有雖見舊志而其事有可驚可泣者補之其續旌者事蹟相同第載其姓氏暨母才媛亦並列焉

一庶道必本之故籍注其得名固有近事可寓勸懲而師法者注以新志惟詩話一類志家多錄不勝采輯擇其

一二有益世道人心者錄之以符體例

一志餘之成以嘗於費板用活字除鈔胥手民及校對筆資外不費錙銖第就采訪所及隨輯隨印定稿太促擺

印體例亦多未能盡一誠不免蕪雜呈漏之譏所望博雅之宗有以補正之

志餘

凡例

四

武陽志餘編輯職名

鑒定

在任候補道特授常州府知府桐澤

三品銜在任候補知府原任崑山縣調補武進縣知縣金吳瀾

同知銜武進縣知縣朱家壩

同知銜陽湖縣知縣李慶沂

同知銜特授陽湖縣知縣乙丑補行辛酉科並壬戌恩科舉人金士準

參訂

賜進士出身特授常州府學教授沈汝奎

特授常州府學訓導甲子科舉人劉軼羣

志餘

卷一

職名

一

武進縣學教諭孝廉方正封

國子監典籍銜特授武進縣學教諭丁卯科舉人何承霖

特授陽湖縣學訓導朱端

監修

賜進士出身布政使銜前湖北鹽法武昌道署浙江按察使記名道盛康

道員用江西候補知府陳增

鹽運使銜前署福建按察使候補道甲辰科舉人劉翊宸

賜進士出身記名道貴州貴陽府知府前翰林院庶吉士惲鴻儀

賜進士出身四品銜前山西道監察御史朱儀訓

三品銜候選道前浙江定海直隸廳同知史致馴

賜進士出身特用知府湖南澧州直隸州知州吳起鳳

二品頂戴前署直隸按察使清河道費學曾

賜進士出身二品銜前署湖北按察使漢黃德道惲彥琦

三品銜前署廣東雷州府候補知府己酉科舉人劉懌

鹽運使銜補用道前湖南辰州府知府劉曾撰

編輯

前署丹陽縣學教諭試用訓導歲貢生莊毓鈞

候選教諭恩貢生陸鼎翰

參校

同知銜浙江歸安縣知縣戊午科舉人惲思贊

志餘

卷一

職名

二

二品封知府銜湖北補用直隸州知州史致謨

國子監典籍銜前任蕭縣教諭辛酉科選拔貢生莊嘉淦

賜進士出身同知銜前山東肥城縣知縣卜文煥

賜進士出身同知銜山東泰安縣知縣翰林院庶吉士吳士愷

揀選知縣丁卯並補行辛酉科舉人莊鼎臣

賜進士出身候補直隸州知州前山西浮山縣知縣李維誠

分輯

廩 貢 生 王銘西

附 貢 生 莊善孫

優 廩 生 薛紹元

廩 貢 生 孫紹甲

採訪 貢 生 馮鈺

附 貢 生 莊蘊寬

生 員 莊清華

校對 生 莊謙吉

監 生 莊謙吉

生 員 莊謙吉

文煥齋韓子餘排印

志餘

卷一

職名

三

志餘卷首

宸翰

聖祖仁皇帝御製

自過江至常州府雜詠四首

風平揚子渡舉權過長江暮色林低水晴光月照窗

菱竹為長綠南方已滿林喬松分路測並作映江潭

夜過丹陽道紅塵不染帆風氣存五內浩氣託經函

延陵曙色關意與渚田寬人盡農桑力文風表裏觀

賜神駿寺僧紀蔭

檻外青山縱日收繁花初落葉新稠更教點染煙雲色添得

志餘

卷首

窗前翠欲流

高宗純皇帝御製

自無錫放舟過丹陽駐蹕方遺橋之作

回鑿將幸徐金陵應必至六朝文物邦訪古吾素志甯無數

日留復恐歸期滿無以母趨程原非為遊恣今朝過順風早

浮煩無事宜何駐方領一百廿里地毘陵及曲阿瞬息度大

第眾舟多不及中途眩乎棄乃悟有快心即有不如意

乾隆壬午

御筆賜安徽學政劉星煒

每讀書我什渴然思育賢伊誰與我共造士得卿肩底藉燃

犀照應如冰鏡懸觀風要遠隱詎止在文益

題揮壽平畫一十三首

靈芝水仙 七言古

叢蘭花下無男子 薛補得東人於窗中窺見一女子獨步庭

前中出歌詩相 獨開生面霜猶畏含嬌不語放幽香暗露冷

冷濕珠履縷紛芝蓋蔽修處妃波上步履猶誰令陳玉寶

八斗只今傳謫空貽羞笑燕南田又多事裝成嬌厲金鈿墜

丹翠春老人不知蟠桃結實雙鸞睡

虞美人 長短句

陌上花默無語試作楚歌聲幾聲折腰舞望斷烏騅去不留

志餘

卷首

二

一江春水東西流千年碧血不能化芳心裊裊如絲抽妾欲

為仙仙不得妾欲為石石易磨石易磨年年天孫擲錦梭不

如向彼機上過且使人人憶楚些

棕籃翰音 五言古

青青彼棕籃葉葉如車鼓嗒嗒彼翰音昂藏立平陸羽生與

植生由來不同族胡為適然會相將圖尺幅惟余有會心蒙

莊曾披讀取以相比方物理都可憫爾擬惟有用割割見其

腹爾雞因可食幾作湯中肉至人貴葆光美玉當韞匱畫師

具深意憐爾股身速烹者不飛雁生者不才不才與不才間

此義應三復

芙蓉水禽 七言古

疎林掩映澹夕陽水禽獨浴來魚梁翻飛棲彼紅拒霜晴波  
澄徹連天長婀娜霞冠翡翠裳枝搖馥郁散迴塘西風瑟瑟  
零露灑深紅淺白塗晚妝盼從遠浦兼葭蒼宛在伊人水一  
方古來繪事稱趙昌南田無乃登其堂丹青澹染水雲鄉滿  
幅秋意含清光

菊 四言

招搖西轉炎帝南馳閉我北窗步我東籬東籬若若金英幾  
本冷露以淒放乎秋晚葉落而蒼枝秀而長日紅日紫日白  
日黃瞻彼園亭桃李葉落時彼池塘荷衣紛若既紛既落撫

志餘

卷首

三

景思深乃有秋華實獲我心雖獲我心終萎寒園寫之圖中  
長可與處

竹枝雙雀 五言古

風入青龍吟春抽紫筍禿小園非渭川頗有干竿竹凍羽驚  
寒颺翩翩兩翅垂為憐萬木落篔簹谷棲青枝烏鵲向南飛繞  
樹求所托何如碧琅玕終古棲雙雀

山茶 五言排律

臘盡葭灰裏春回羯鼓中山茶初放雪冰尊欲凌風氣冷芬  
偏遠霜餘色轉融何須管少態曾見畫難工靜婉妝纒罷翻  
風舞未終豔知桃李讓操與竹松同葉染鴨頭紅花翻鶴頂

紅誰知趙使後今復見邱翁

薔薇 七言古

東風飴蕩午窗前都作薔薇買笑錢綉被堆中開玉麝未開  
架底墜金鈿雙成有意霞親剪荷令無聊香白煎漫道江南  
誇落翠錦袍應屬博南田

碧桃 七言絕四首

姑射仙人謁九華雙鸞鳳駕五雲車誰知咫尺瑤臺路只隔  
清霄一片霞

春雨初過淨午芳元都觀裏憶劉郎卻令寫向生綃裏不許  
遊蜂暗竊香

志餘

卷首

四

東風一度一嫣然神較輕綃欲逞妍千樹芳菲三月半滿簾  
寂寞春昏天

漁父溪頭莫問津武陵源裏更無人桃花還似如霞爛占卻  
仙家萬劫春

梨花鐵梗海棠 五言律

梨白海棠紅相將尺幅中一般開麗日各自笑春風駐質丹  
砂似含姿素粉同如何無蜀咏獨讓少陵翁

仁宗皇帝御製

得兩敬述詩

三春首夏久不雨寸心恐懼時遑遑二麥失候已難穫旱氣

又虛民罹殃

右壇致禱未蒙澤已凜乾惕增慚惶放過宵異徵解作權其  
輕重開銀鑄曷敢廢博覽譽原情一線仍推詳赦人之罪  
思子咎內省薄德謀勿臧川陝邪教終未淨表齋祭庶肆猖  
狂怨毒故燭劫運重奚能感召

天降祥自愧才力實未逮痛念我

考呼

穹蒼人窮反本必

昭格閏夏三日甘雷滂夜半始降遂遠且疎密相間傾神稟

玉墀積水逾數寸郊圻想像渥澤汪又思納言克已乃為民

志餘

卷首

五

旨將六年遺例上書發往新編之編修洪亮吉立子釋同宣  
中外並將其書裝滿成卷常置座右以作夏規正在領  
發是夕可時中雷大雨連宵連晝近郊入土三寸有餘  
係定一節亦皆各送天監中誠於可感可感益可畏也  
麥雖歉收禾可種大田奢望農夫慶知感知懼敬述什洗甲  
尤殷

天眷彰

志餘卷一之一

山川

地志之載山水非徒模範實資津要攷古紀勝前志已

詳茲從簡略附列兵事兼可考鏡農田所關具見水利

孟城山在通江鄉至府八十里俯瞰大江 孤陳山與孟城

山相連

黃山在通江鄉東南至府七十里山東扼狼福西控金焦下

臨大江東北有小山入江謂之吳尾今呼為方輿紀要

上有石室楊吳時置烽火之所今曰黃山門為江防津要

江防考黃山門在包港屬丹陽與武進分界江心水流湍悍盜賊

志餘

卷一 山川

一

出沒之地又當常鎮二郡之交上下瞭望幾及百里實京

口之門戶也 舊志明時郡守穆煒閱兵於此 九龍山

北連黃山自孤陳至此凡九嶺

嘉山在通江鄉近丹陽界南至府九十里 咸濟志在武進

縣北八十里 明一統志府西北一百里

固山在孟瀆關西

巴斗山在大江中盜賊出沒之所

以上山屬武進

馬嶺山在太湖中西北至府一百一十里方輿紀要當山之

中北面曰古竹徑渡下浦港十里山麓周一百二十里屹

立太湖之北為常州門戶宋置馬蹟寨建炎三年金人犯  
常州赤心隊將劉晏時屯青龍鎮郡守周杞請救晏率精  
銳七千出奇大破之駐兵夫椒山夫椒山 蹟通稱寇再至晏選舟  
師戰於太湖降其兵千五百人元時亦置巡司明初下常  
州俞通海以舟師略太湖入馬蹟山破張士誠水砦冠  
嶂峯舊名官長三峯巖峙高五六里周二十餘里為馬蹟  
主峯古竹檀溪新城東村東西鉏大小墅諸灣環其麓  
勝子嶺在冠嶂峯南左古竹右檀溪陟其巔可見南湖  
錢家嘴在勝子嶺北 東谷嘴在錢家嘴東插入湖行舟  
山北折南至險 巖山在古竹西山麓至耿灣十里隔湖

志餘

卷一 山川

二

壁立 華家嘴在耿灣谷深里許回森易壞舟楫 秦履  
山即小靈山舊譌津里山 肯山並在耿灣 龜山自西  
村窺雁門東麓 蛇山在龜山西 馬鞍嶺在蛇山西  
紫荷山俗呼榦山在牛塘南 虎墅嶺在牛塘西 萬安  
山俗名飯碗山在內閭左 花欄山在萬安山西 大儲  
山阜立千仞在桃花 西青嶺由大儲山入湖蜿蜒五里  
俗呼龍頭 金雞嶺在西村左 涵山在嶂青 畫山介  
嶂青柴泉二灣 芝山在冠嶂第一峯下二小山相連  
分水嶺界山之東西 象山在分水嶺西 火石嶺 點  
山俗名店山並在西鉏 桃塢嶺自東鉏至小墅 東山

考在大墅左

隋山即夫山椒山東北十餘里在小墅東南今屬無錫  
未始磯在桃塢灣口 錢堆磯入湖里許俗呼筆山太湖備

考名馬拖山

椒山在西青嶺東南十餘里湖中西有小椒山如覆箕  
漁息磯在雁門西南里許湖中無居人毗宜與界

太湖備攷馬蹟險要說 五代時南唐據常州以馬蹟山  
為邊界元末張士誠守宜興亦以馬蹟為邊界莫不屯兵  
戍守不獨宋置寨兵也設險於此東自無錫西至荆溪可  
以兼顧不比馬橋即馬橋 蹟通稱深居大區港內止顧一隅今以千

志餘

卷一 山川

三

總分防地重兵輕似覺未稱若移千總於大區而以周橋  
守備移駐馬蹟資其彈壓則太湖西北一帶常郡之邊境  
皆恃無恐矣

芳茂山與橫山相連南峯曰橫北曰芳茂在府東三十五里  
介豐南北二鄉岡阜聯屬延袤十餘里 石堰山在豐北  
鄉下臨石堰鎮俯網頭河 三山俯三山港三峯相連一  
峯獨峻明初張士誠遣兵寇常州吳良自江陰間道殲其  
援兵於三山即此 馬鞍山在三山西 陳墩山中斷里  
許為新安鎮 雞籠山在新安東南 飛雲嶺在雞籠山  
西南 東筆峯 西筆峯在橫山左右

高山一名舜過山在大寧鄉距三山十里 馬凹毗江陰界

鶴山東連江陰巖壁巖峭遠眺江湖

獨孤山在太平鄉西北至府七十里 夾山南北五里包秦

陽二小山中峽為馬鞍嶺 一統志謂獨孤為鷓鴣在太

湖中 通志夾山在府治東南七十里半屬江陰則又誤

橫山之馬鞍嶺為夾山並非 秦陽山在夾山東中隔太

平河 四墩山在秦陽山南

黃公山在太平鄉南去太湖十五里 許墓嶺在黃巖嶺西

與宜興百瀆諸山圍合

陳墓灣山在新塘鄉岡巒迴合延袤十餘里南臨太湖西近

志餘 卷一 山川 四

太平鄉諸山 壺公山 前亭山 後亭山並在園口

安山在陳灣山東北 章山 龜山 梅堂山一名梅巖

下浦山並陳灣山南 茶葉嶺在下浦山西 虎窟在

下浦山南插入太湖去馬蹟十許里有山根與馬蹟接

山直易騎行舟

以上山屬陽湖

國朝邵長蘅毗陵諸山記 毗陵縣治南三里曰茶山小

邱嶼巖以百數若益者若慨者若覆敦者若杵臼若馬窟

者高廣及常或倍常其地林木蒼蔚多古冢唐末湖常二

郡守修茶貢於此因以名然實非山也又南多樹木少山

平望百里外翠屏類削成者為義興銅官山縣治以西無

山益北有山曰孟城山曰黃山俯瞰江岸其石可煨以為

聖蓋城山孟嘉所僑寓也與孟城相連而小曰孤陳山九

嶺越逸如龍曰九龍山有若巴斗浮時江面者曰巴斗山

嘉山近丹陽界山有白龍潭歲旱禱則應此皆瀕江距縣

北八十里芳茂山在縣治東三十里晉右將軍曹橫葬其

麓故一名橫山東南有山小而高突出平地曰獨孤山俗

謂鷓鴣山又南雙山夾峙曰夾山有曰秦陽山者越絕書

名秦餘杭山蓋越王棲夫差山云在夾山東自縣治至此

七十里秦陽之南多山而益奇曰四墩山曰許墓山曰黃

志餘 卷一 山川 五

公山黃山相佩以春申君黃歇得名又南且東曰陳墓山

隋司徒陳果仁葬地其下有龍泉飛瀑如練若馬鞍者曰

鞍山三山圍合如壺者曰壺公山前亭山後亭山其形類

龜曰龜山有巖曰梅巖有嶺曰黃婆嶺茶葉嶺宋張忠定

公故居曰張山張山南曰下浦山其麓太湖環之一山蜿

蜒窟湖中與馬蹟山對峙曰虎嶺山湖波瀾澎湃巒巒迴合

如畫於月夜尤宜馬蹟山在太湖中最大上有二十三峴

俗呼廿三灣也崦皆有居人數百家或數十家其土產踴

鶻其果多來禽楊梅梨栗其獸多鹿其草多虎齒與馬蹟

相望曰東西兩洞庭山其小者曰津里夫椒龜龜諸山凡